

刑部比照加減成案續編

刑部比照加減成案續編卷二十四

杭州許槌訂

刑律訴訟

誣告

四川司 道光十一年

川督岑彭縣葛綱宗卽楊壬生本係楊洪之子。因伊出嫁祖姑母葛楊氏之繼子葛

廷芳出外未歸。並無子嗣。撫抱伊爲義孫。與葛廷芳爲義子。卽從葛姓。葛楊氏之夫姪葛廷菱等。控經該縣。訊明葛綱宗係屬異姓。律應歸宗。斷令族鄰葛廷位等。議立葛廷菱次子葛圍宗。與葛廷芳爲嗣。固屬照律辦理。並無屈抑。葛綱宗因伊義父葛廷芳存有水田。爲葛圍宗所得。心懷不甘。

自行捏寫呈詞。赴京翻控。冀圖拖累洩忿。
實屬刁健。查葛綱宗控告葛廷典砍伐樹
木。並未指定確數。卽其捏稱葛廷典騙賴
租穀十七石。計賊依親屬相盜律遞減科
罪。加所誣罪三等。亦罪止杖責。與越訴俱
係輕罪不議。應以控告葛廷典串同葛廷
菱等同謀霸去產業一節爲重。霸去水田

十畝。估值價銀二百四十兩。其情重於侵
占。究與強占山場湖泊者不同。律無強占
田畝。作何治罪明文。占去田產。與搶奪相
等。田係葛綱宗義父葛廷芳之產。葛廷芳
尚在。係葛廷典同祖大功堂弟。與所後服
制同。應比照恐嚇科斷。尊長犯卑幼。依親
屬相盜律遞減科罪。估計水田十畝。價銀

一百二十兩以上。准竊盜論。罪已絞候。無
可復加。自應仍按律。但准其罪。罪止杖一
百。流三千里。如所控得實。葛廷典霸占大
功堂弟葛廷芳田畝。應於凡人滿流罪上。
遞減四等。杖七十。徒一年半。今審係虛誣。
自應按律反坐。葛綱宗卽楊壬生。應於誣
告葛廷典杖七十。徒一年半。罪上加三等。

杖一百。徒三年。

陝西司 道光七年

陝督咨狄道州張連彪、誣告魏榮澈等毆斃女命。假裝自縊。致屍遭蒸檢等情。查例載期親以上尊長。按律不應抵命者。誣告人謀死人命。致蒸檢卑幼身屍。仍照誣告人死罪未決律治罪。詳參例內仍字之義。

係誣告爲重。蒸檢爲輕。蓋專指尊長誣告人謀死卑幼。罪應擬抵者而言。若死者罪犯應死。卽被人毆斃。亦屬擅殺罪人。固不應將控檢者坐誣告死罪之條。若被人毆有多傷後自縊殞命。屍親懷疑誣控。只應於誣告擅殺應死罪人律上加等問擬。亦不應於誣告死罪未決律上減擬總徒詳。

核案情。張氏死由自縊。既非魏榮澈等擅
殺。則張連彪固屬誣告。惟所誣罪名。應擬
滿杖。祇應按誣告本律坐該犯加等之罪。
並不應於誣告死罪律上減等定擬。且例
內蒸檢卑幼身屍一語。原統於誣告謀命
句內。誣告謀命致屍蒸檢者。既不能於誣
告死罪外加重。則誣告杖罪致屍蒸檢者。

卽難於律外重科。查張氏罪犯應死。如張連彪所告得實。魏榮澈等罪應滿杖。旣據該督將魏榮澈等照律勿論。是張連彪所控全虛。卽應仍照誣告律全科。該督將該犯於誣告死罪未決律上減等擬以總徒。情罪尚未允協。張連彪應改依誣告擅殺應死罪人本律。於滿杖上加三等杖八十。

徒二年。

四川司 道光十一年

川督咨瀘州廖騰蛟。因挾牟安順不允畱宿之嫌。輒起意捏寫虛詞。希圖嚇詐。迨被牟安順告發之後。復捏牟安順勾引廖長生賭博各情呈控。如所告得實。牟安順罪應枷杖。今審屬虛誣。照例反坐。於誣告牟

安順柳號兩個月杖一百罪上加等問擬。
惟誣告柳號律無作何加等治罪明文。應
照誣告人杖罪加所誣罪三等律於誣告
牟安順杖一百罪上加三等應杖八十徒
二年免其柳號。

四川司 道光十二年

川督咨渠縣李李氏圖爭李邦玉田產控

縣訊結十餘年之久。因挾借貸不遂微嫌。輒又赴京。將前控舊詞呈遞。誣李邦玉等霸占田地十八畝。實屬恃婦逞刁。惟律例內並無霸占田地。作何治罪明文。若照強占官民山場。按依服制減科。坐誣轉較。親屬搶奪爲重。且親屬旣無搶奪之文。有犯依恐嚇科斷。霸占強占與搶奪情事相同。

自應比照問擬查李邦玉係李李氏故夫
李殿玉同高祖總麻族弟與該氏無服李
松玉李中玉均係李殿玉同祖大功堂弟
與該氏服屬總麻李李氏所控李邦玉等
霸占田地十八畝估值銀五十八兩如所
控得實李邦玉等計贓准竊盜論加一等
杖七十徒一年半今屬虛誣自應照例反

坐其誣告李松玉等。係總麻卑幼。律得減一等問擬。其與李邦玉無服。應同凡論。李李氏除誣告李松玉等。及越訴各輕罪不議外。應於誣告李邦玉杖七十。徒一年半。上加三等杖一百。徒三年。

安徽司 道光十三年

安撫咨杜遠饒。藉伊堂弟杜昆玉因病身

死。平空圖詐方二等錢文不遂。並將件作
間先捏以受賄匿傷誣控。查其所控方二、
於十二月十六日。喝令將杜昆玉擒毆重
傷。至正月十七日傷發斃命。詞內並未指
係何物所毆。核其擒毆二字。自係手足毆
傷。且其身死。距毆傷計越三十一日。已在
手足傷保辜正限外。按律止科傷罪。照手

足毆人成傷。笞三十。反坐加等。罪止笞五十。應以捏控件作受賄匿傷爲重。如果得實。並未指出贓數。若照故出人笞罪。以全罪論。罪止笞五十。應從重照檢驗不實律。杖八十。今審係虛誣。自應按律加等問擬。杜遠饒應於件作檢驗不實杖八十律上加所誣罪三等。杖六十。徒一年。

河南司

道光十四年

河撫奏唐縣貢生李上林誘引王同林京
控戴義等習教。雖已得實。惟逼令王魁元
誣扳李魁元李占椿爲教徒。冀將李魁元
等治罪。占其財產。及至李魁元不肯誣服。
李上林又牽指索欠有嫌之孫合明爲李
魁元等同教。拖累良民。實屬險惡。本當照

例反坐第念本案係由該犯告發仍照例
問擬恐阻人舉首之路似應減等科斷李
上林應於誣告李魁元遣罪上量減一等
杖一百徒三年

湖廣司

道光四年

南撫題彭惠邦被竊食物疑係向文有偷
竊前往搜賊未獲輒將劉洸如指爲夥賊

捆毆送官。致劉洸如之母向氏。因子被誣。投繯殞命。彭惠邦應比照誣告人。因而致死。隨行有服親屬一人。律擬絞監候。

廣西司 道光四年

廣西撫岑已革監生王惲燦。因失去牛隻。疑及曾經行竊之馮品元等偷竊。將其拉往投保盤問。以致馮品元之妻馮王氏憂

忿自縊身死。查律例內並無作何治罪明文。惟查馮品元等先曾行竊。本非安分之徒。該犯王幗燦疑其偷竊。事出有因。不得謂之誣良爲竊。馮王氏之自盡。卽與實在。誣告人因而致死。親屬不同。自應比例酌減定擬。王幗燦應比照誣告人因而致死。隨行有服親屬一人。律於絞監候罪上量。

減一等杖一百。流三千里。

貴州司 道光十三年

貴撫題龍泉縣革生陳玉璋挾嫌誣告堂姪陳汶舉恃強阻葬。典史屠世鏞擅受需索枉斷濫刑。致陳汶舉之妻陳氏情急自縊身死。查尊長誣告卑幼致死卑幼之婦。雖無治罪專條。惟推原律意。凡人誣告應

加等者尊長律得減等則誣告之罪應死者。在尊長亦可照律按服制遞減科斷此案。陳玉璋挾嫌誣告小功堂姪陳汶舉恃強阻葬。以致該典史屠世鎬擅受需索枉斷濫刑。致陳汶舉之妻陳李氏情急自盡。陳李氏係該犯總麻姪婦。按誣告小功總麻卑幼律得減一等科斷。則誣告致令自

盡。卽。應。於。凡。人。誣。告。人。致。死。擬。絞。律。上。減。
等。擬。流。該。撫。將。陳。玉。璋。比。照。誣。告。人。因。而。
致。死。隨。行。有。服。親。屬。例。量。減。擬。流。罪。名。雖。
無。出。入。引。斷。究。未。允。協。陳。玉。璋。應。改。依。誣。
告。人。致。死。有。服。親。屬。絞。監。候。律。係。總。麻。尊。
長。減。一。等。杖。一。百。流。三。千。里。典。史。屠。世。鏞。
擅。受。詐。贓。濫。斃。人。命。已。於。另。案。參。革。後。病。

故應毋庸議。

河南司 道光九年

河撫咨孟縣王現彩京控同民馬生太等
結夥持械搶奪。如果屬實。馬生太等罪應
擬軍。今訊明實止結夥三人以上。徒手尋
毆。罪止滿徒。係屬誣輕爲重。惟查律內並
無告人軍罪。徒罪得實。如何折贖明文。自

應比照流罪科斷。王現彩合依誣輕爲重。皆反坐以所剩不實之罪三流並折二百四十除得實杖一百徒三年折責二百外應反坐剩杖四十。尚未論決。依律收贖。

貴州司

道光十一年

提督咨送穆得因妻辛氏將家內被褥當錢使用。欲行責打。辛氏畏懼潛往伊表姊

家躲避。該犯回家不見辛氏。憶及佟四曾
在伊妻屋內談笑。起意控告佟四拐逃。如
果得實。佟四罪應擬軍。今訊明佟四與辛
氏通姦屬實。罪應枷杖。自應比照問擬。穆
得應比依誣輕爲重。告一人一事。該杖一
百。流三千里。於內問得止招。該杖一百。三
流並准。徒四年。通計折杖二百四十。准告

實杖一百外反坐原告人杖一百餘剩杖四十收贖。

福建司 道光四年

福撫題林淙沅等共毆劉敦好身死案內之屍子劉江江傭工外出。未知劉敦好先被炭火燒傷。因原驗作誤報火炙舊痕三點。其父生前並未火炙。疑被銃傷。具結

請檢。追開棺屍未腐爛。自知錯誤。不忍復
遭蒸檢。俯首認罪。結求免檢。若遽坐以子
孫誤執傷痕。告官蒸檢之條。似覺情輕。法
重。惟棺已開驗。又與未經驗屍之先認罪。
求息者不同。劉江江應請於誣告人死罪。
未決杖流。加徒律上。量減一等杖一百。總
徒四年。

陝西司

道光四年

陝撫谷呂和與伊胞弟呂清分居度日。呂清出外十餘年。杳無音信。弟妻李氏家貧無依。呈明改嫁。任五十兒爲妻。因李氏未將改嫁日期告知。心懷不甘。卽以任五十兒拐騙等情。控縣訊斷之後。復圖多得財禮。主使伊子呂添才。迭次上控。任治帮等

強搶李氏。如所告得實。任五十兒。任治邦。均罪干縲首。今審屬虛誣。應依律反坐。惟該犯到案。卽據實供明。尚非始終誣執。應量予末減。呂和應。照誣告人死罪。未決杖流。加徒律上。量減一等。總徒四年。呂添才。聽從父命。屢次誣控。任五十兒。任治邦。均已受伊拖累。事屬侵損。應以爲從。論於伊。

原缺

死已結之案。捏爲任建恭等喝令幫毆。致將伊夫毆斃等情。經張成代作呈詞。懇懇京控。該氏主使伊子任添林赴京控告。旣據該督審係虛誣。律應反坐。自應坐主使伊子京控之任黃氏以誣告之罪。查被控之任建恭等。均係該氏夫弟。律內僅稱誣告卑幼減等。並無誣告夫弟減等明文。第

鬪毆律內妻毆夫之弟妹各減凡人一等
其誣告夫弟亦應減等問擬任黃氏合依
誣告人死罪未決杖流加徒律上量減一
等杖一百總徒四年係婦人照律收贖

浙江司

道光七年

北城移送張應棠誣控劉綬各款惟指控
借伊銀二百兩湊作刑科經承缺底役滿

抵欠一款爲最重。如所告得實。劉紱應照
例擬絞。今審係虛誣。律應反坐。惟該犯到
案。卽據實供明。與始終誣執者有別。自應
酌減問擬。張應棠應於誣告人死罪未決
杖流加徒律上量減一等杖一百。總徒四
年。

河南司 道光八年

河撫題睢州滑行運毆扎劉進魁等身死。並究出劉文雅、劉進壘、唆誘劉法漢赴京誣告梁之會等糾毆扎斃。賄賣頂兇。查劉進壘聽從劉文雅冒寫劉法譜等之名。在本省各衙門誣告。並聽從誘使無知之劉法漢赴京妄控。實屬刁詐。如於劉文雅積慣訟棍軍罪上減等問擬。罪止滿徒。仍應

於誣告人死罪未決本律上量減爲杖一百總徒四年。

福建司

道光十年

提督奏范宜春因紀四等屬伊訪查匪犯希圖騙錢輒造八卦旗夾把刀等件誣指鄧三等係白靈會教匪頭目如所控得實鄧三等罪應絞決今審屬虛誣應照誣告

誣告

人死罪未決。律杖一百。流三千里。加徒役三年。該犯因希圖受賞。捏告重情。殊屬可惡。應請發往黑龍江充當苦差。

河南司

道光十年

河撫咨商邱縣李家昇。因與李家茂涉訟。疑係姚理從中唆弄。輒以姚理毆妻致死。誣告如所告得實。姚理罪干絞候。今審屬

虛誣。自應照律反坐。惟該犯不知任氏死
由自縊。因任奉洛曾與姚理爭鬪。懷疑具
控。尚非憑空誣陷。且於要證任奉洛未到
案之先。慮恐告虛。不敢具結開檢。與始終
誣執者不同。李家昇應照誣告人死罪未
決杖流加徒律上量減一等杖一百總徒
四年。

河南司

道光十三年

河撫咨內鄉縣趙履中、自將伊女王趙氏
砍死。捏以趙九明、趙第三、向王趙氏調姦。
致伊氣忿將女砍傷斃命。如所告得實。趙
九明等應比照但經訓戲致本婦羞忿自
盡之例擬絞。今審係虛誣。自應照律反坐。
趙履中、合依誣告人死罪、未決律杖一百。

流三千里。加徒役三年。

四川司 道光十三年

川督咨達縣胡明、因與小功弟妻胡匡氏
通姦懷孕。被氏姑胡向氏盤出。告知其孫
胡學萬、欲行控究。胡仲知姦情敗露。賄串
該犯捏控胡匡氏與夫姪胡學萬通姦。計
圖抵賴。如所控得實。胡學萬與胡匡氏均

應擬斬。今該犯於胡匡氏之姑胡向氏將
實情呈明。慮恐審虛坐罪。旋即赴案具悔。
雖悔詞遞於胡向氏具呈之後。固不能僅
科以不應重杖。第究在未經到案質審以
前。若仍照誣告人死罪未決律。滿流加徒。
又與未經具悔者無所區別。自應比例酌
減。問擬胡明除得受胡仲錢文計贓輕罪。

不議外。應比照聞拏投首之例。於誣告人死罪未決杖流加徒律上量減一等杖一百。總徒四年。到配折責充徒。

山西司

道光十四年

晉撫咨翟世喜因大功堂嫂翟王氏以伊夫妾翟牛氏不守婦道。與王定國等往來無忌。恐壞門風。令其找主嫁賣。卽將翟牛

氏強嫁與李永齡爲妾。因該氏不從。尚未
成婚。與孀婦自願守志。夫家無故強嫁者。
不同。經縣擬以杖責完結。輒起意砌詞赴
京控告。核其所控翟洛恆持刀將其劈傷
之處。係由翟洛恆之妻翟師氏持刀幫護。
該犯奪刀碰傷顙門。所控尚屬有因。並非
平空誣捏。自未便按律反坐。此外所控情

節。惟王定國搶去寶銀二千餘兩一款爲
重。如果得實。王定國罪應擬絞。今訊係虛
誣。自應按律坐誣。第該犯所控搶奪係由
翟王氏在州府原告之詞。與自行誣告者
有閒。卽其誣賴姦私。亦由翟牛氏不守婦
道。又與挾仇捏姦污蔑者不同。自應量減
問擬。翟世喜合依誣告人死罪未決者杖

流、加、徒、律、上、量、減、一、等、擬、杖、一、百、總、徒、四、年。

四川司

道光十四年

川督岑渠縣趙萬里於伊姪趙代榮病故。捏告葉照舉搭斃致伊姪屍身經官相驗。惟所控如果得實。葉照舉罪應擬絞。今訊屬全虛。自應照律反坐。趙萬里合依誣告。

人死罪未決杖流加徒律擬杖一百流三千里加徒役三年。

安徽司

道光四年

安撫岑胡士蘭控胡克選欠錢毆搶並圖姦祝趙氏羞忿自盡身死。查胡士蘭所告胡克選欠錢不還業已得實。卽所控因索欠毆傷陳景倉兩目亦屬有因。惟所稱圖

姦祝趙氏致氏羞忿自縊。係屬虛誣。究因
誤聽傳言所致。與有心誣告者有閒。應於
告二事以上。輕事告實。重事招虛。至死罪。
未決者。杖流律上量減一等。杖一百。徒三
年。

福建司

道光四年

福撫咨王淙定。於王淙密係期親胞弟。王

淙密被王治治毆傷。致令服毒身死。先則受賄私和。繼因訪問差拏。遂將賄和情節。諉於身有廢疾之王諱諱呈首。復又隱匿受傷後服毒真情。捏告王淙密被王治治毆斃。係屬誣輕爲重。惟已於未經詳檢之先。據實供明。王淙定應照誣輕爲重至死罪未決者杖流律上量減一等杖一百徒

三年。

山西司

道光七年

晉撫咨渾源州高全拾取賈世瑛等鋪內
錢帖。旋即送還。不得謂之偷竊。其所控尚
明世等誣良爲竊之處。現據訊係尚明世
之子尚松嶺指名捏告。是所控業已得實。
惟此案應以所控尚明世等放火燒燬官

房一節爲重。如果得實。尚明世等應照放
火故燒官房律擬斬。今審係虛誣。自應照
律坐誣。第查呈內僅指控尚明世等爲謀
論放火之人。並非指定爲在場放火之犯。
與實在指告放火者情節有閒。高全合依
告二事以上輕事告實重事招虛至死罪
未決者杖流律上量減一等杖一百徒三

年。

貴州司

道光十一年

貴撫咨普定縣伍潮林控羅樹林與伍王氏通姦。將本夫伍阿滿謀毒斃命。如果得實。羅樹林等罪犯應死。現審羅樹林與伍王氏通姦屬實。惟伍阿滿因病身死。並非羅樹林等毒斃。應照律坐誣。惟該犯因伍

阿滿卒病身死。伍王氏與羅樹林本有姦情。懷疑妄告。與平空誣告者不同。伍潮林應於告人二事以上。輕事得實。重事招虛。至死罪未決者。杖流律上量減一等。杖一百。徒三年。

陝西司 道光九年

陝撫奏永壽縣趙儒英起意訛詐捏造王

鳳彩與其弟婦吳氏有姦。令子休妻等情。主唆劉英誣控。經縣票差黃進財等將王鳳彩王雲步父子拘傳。經王鳳彩次子王正興許給黃進財等錢文。將王雲步項鎖開放。王雲步復求爲伊父開鎖不允。王雲步回家後。憂愁自縊身死。王鳳彩因恨趙儒英教唆誣告。致伊子自盡。亦忿激投縊。

殞命。是王雲步之自盡。由於差役黃進財等、不肯開放其父憂愁所致。而王鳳彩之自縊。實由於趙儒英之教唆誣告。忿不欲生。自應各科各罪。前據該撫將黃進財依例擬絞監候。祇將趙儒英依姦贓事情。污人名節例擬軍部以情罪未協奏駁。嗣經更正。將趙儒英依誣告人因而致死者絞。

監候例。擬絞監候。

山西司

道光十年

晉撫題席玉炳因侯作肅拾獲遺失胡麻許給謝禮討回嗣見車上繩索斷絕尚少豬肉疑被割斷偷竊復向侯作肅追討爭毆具控以致侯作肅氣忿自縊身死核其情節實係懷疑所致未便坐以誣竊致死

之○罪○且○控○出○有○因○並○非○平○空○誣○捏○亦○未○便○
竟○照○誣○告○致○死○之○律○問○擬○纓○首○惟○侯○作○肅○
素○係○安○分○農○民○因○在○途○拾○獲○胡○麻○輒○被○席○
玉○炳○疑○竊○爭○毆○復○被○控○告○以○致○氣○忿○輕○生○
又○未○便○將○席○玉○炳○僅○照○尋○常○毆○打○威○逼○致○
死○之○例○致○滋○輕○縱○例○無○疑○竊○控○告○致○死○人○
命○作○何○治○罪○明○文○自○應○酌○量○定○擬○席○玉○炳○

應比照誣告人因而致死被誣之人委係
平人擬絞例上量減一等杖一百流三千
里。

河南司 道光十一年

河撫題遂平縣劉瀾雲因無服曾叔祖母
劉張氏不將其子劉田成遺腹子劉毛兒
領歸承祀。欲立同姓不宗之劉秧爲嗣。隨

卽赴京越訴。今審明劉毛兒確係劉田成遺腹子。係其母閻氏懷孕改嫁。在後夫李廣紳家所產。是所控並未虛誣。惟假捏閻氏之父閻潮臣字據黏呈牽告。致閻潮臣畏累自盡。雖非全誣釀命。究由該犯任意牽捏所致。自應酌核問擬。劉鴻雲應照誣告人因而致死絞候例上量減一等杖一

百流三千里。

河南司 道光十二年

河撫題鹿邑縣王常載因與總麻服姪王善長易換地畝爭吵。自行失跌磕傷。因被卹斥。捏稱係王善長毆傷。赴縣控告。希圖拖累洩忿。致王善長畏累自縊身死。王常載應比照誣告人因而致死被誣之人委

係平人擬絞例上。量減一等杖一百。流三千里。

河南司 道光十四年

河撫題武安縣黃會川。因黃雙林常有畱宿素不相識之人。又與李勉思等賭博。隨告指黃雙林謀買住房。容畱外來匪人。私列黃尚登爲證。致黃尚登畏累自盡。惟黃

會川控告果係全虛欲思黃尚登誣證其事則黃尚登卽爲被誣之人應將黃會川擬以絞抵今黃會川所控並非全誣而黃雙林又實係賭博有罪之人被誣者旣非平人則所列干證未及到官證實遽自輕生未便卽科黃會川以誣告致斃平人之罪黃會川應於誣告人致死被誣之人委

係平人擬絞例上。量減一等杖一百。流三千里。

浙江司 道光十四年

浙撫咨羅峻山。因被賊竊去衣物。於次早拾獲賊遺銀衣。查係丁阿七鄉親老李所穿。疑其夥竊。帶家盤問不認。用竹篠責打送官。後丁阿七在押病故。例無作何治罪。

明文自應酌減間擬羅峻山應照誣告人
因而致死擬絞例上量減一等杖一百流
三千里。

湖廣司 道光十二年

湖督題黃欄位因陳魁沅之媳病故捏稱
身死不明串結兵丁向陳魁沅訛詐致令
忿激自盡該督以空言訛詐尚未得賊比

照奸徒串結衙門人役詐騙財物被詐之人因而自盡者絞候例上量減滿流部改依本例絞候。

河南司 道光十三年

河撫題永城縣田貴榮身充地保因向孟傳順並張秀旺等訛索不遂被控責革輒敢捏造孟傳順等三十餘人習教傳徒謀

爲不法。並誣指本官受贓不究。匿名揭告。冀圖陷害。實屬險詐。未便因其間拏投首。於誣告叛逆未決斬罪上減等擬流。致滋輕縱。田貴榮應於誣告叛逆被誣之人未決者。誣告之人擬斬監候。罪上酌減爲實發。雲貴兩廣極邊煙瘴充軍。以示懲儆。

陝西司 道光五年

陝督題徐楊氏因與趙楊氏赴山拾柴遙見趙楊氏與呂梨娃授受布疋該氏不知係呂梨娃與趙楊氏帶交姻親趙穩之物心疑趙楊氏與呂梨娃有姦向人談論以致趙楊氏被夫斥罵氣忿投崖殞命訊非挾讎污蠱自應比例減等定擬徐楊氏應依捏造姦贓款蹟挾讎污蠱致被誣之人

忿激自盡於誣告致死絞候例上量減一
等杖一百流三千里。

陝西司 道光九年

陝督題平番縣賈廷杰因酗酒被劉棟喝
禁卽挾嫌捏造其媳張氏與張九如姦私
編造歌謠當衆歌唱污蔑以致張氏被夫
劉漢義毆傷殞命雖張氏之死由其夫之

毆○責○而○毆○死○之○由○究○因○該○犯○挾○嫌○污○蔑○所○
致○且○因○該○犯○捏○造○一○言○致○人○夫○婦○一○死○一○
抵○其○情○尤○爲○可○惡○况○以○姦○賊○事○情○污○人○名○
節○按○例○已○應○擬○軍○而○污○蔑○致○斃○人○命○豈○能○
擬○罪○轉○輕○該○督○將○賈○廷○杰○比○照○捏○造○姦○賊○
款○蹟○編○造○歌○謠○挾○嫌○污○蔑○致○被○誣○之○人○忿○
激○自○盡○絞○候○例○上○量○減○擬○流○殊○屬○輕○縱○應○

誣告

三

令詳核例義。另行妥擬具題。到日再議。